



VOL. VIII. NO. 10.

NOVEMBER, 10, 1900.

WOKAJUJU MAZASKA WANJI.

TIYOPA KIN CIQADAN QA CANKE NAKUN OJSTIYEDAN WICONE IYAHDEI QA WICASTA TONANA IYEWAPI ECE. TIYOPA CIQADAN KIN HE OHNA YA PO.-MATT. 7.

CANNON BALL, N. DAK.
NOV. 7, 1900

Eyanpaha;—

Ito anpetu kin dehan taku wanji yaotanin eisi kta wacin ye do. Cannon Ball ed St. Joseph omniye kin apiyapi, dena oitan-canpi.

Tacanlipiduta, itancan. Wabacacaciqana, itancan okine. Stanislaus Paints Brown, treasurer. Paul Fasthorse, Secretary. Henry High Bear, odowan itancan. Ihduqica, wowapi yuha mani. Zuyaciqa, iapi awanyaka. Joseph High Bear, tiyopa awanyaka. James All yellow, Joseph Paints-brown, James Red-dog, wawahokonkiya hecapi. Najinyanpi, Leo Louis Hat, Frank Nacijn, wayazan awanyakapi.

Samuel Eagleboy, Leo Tabdoka. Andrew Wanbd-ohanko, wikdikdapi. Peter Wiyaka-wahacanka, Leo Otaapapi, wakaptapi. Joseph Red Bow, Felix Many Horse, maka qapi.

Ho dena oitancan tecapi qa heon nayahonpi wacin qa wowapi wakage.

Nitakodapi wanji

PAUL TASUNKE-CHANKONA.

VEBLEN, S. DAK. Nov. 6, 1900.

Mitakuyepi;—

Eya dehan Eyanpaha en iapi conana epa wacin ye. Eya mitakuyepi, tonakiya St. Joseph qa St. Mary O. yaonpi hecinhan ohinni Eyanpaha kin en wohdakapi ecee kin hena mis wanbdaka qa ohinni onacihonpi waon kin ohinni nina iyo-makipi qa icante mawašte qa mis-eya tokin ito wowiyukcan waštešte obdaka owakihi qes, Eyanpaha kin en ewahnake kta tka epees ye mitaku-

yepi. Tuka eya dehan tukin hecen onkis den Sisseton Heipa en St. Mary okodakiciye kin token lhaon-nipi hecinhan he obdaka wacin ye.

Nakana omaka 1900 April 10. he ecinhan tokane St. Mary okodakiciye onk cagapi ye. Onkan hecen taku tona wawiyutanyan en onskanpi hecinhan hena etanhan uniduspapi oncinpi qa hecen Wakantanka etkiya itaunniqi kta oncinpi, qa wacekiyapi wicohan hena owasin yuhe onwacinpi ye. Tuka mitakuyepi, takuna on wasagya naonjinpi kta iye-oncecapi sni ye. Hececa sta win-yan tonana wicohan kin de token onkokinpi wokagege kin yuba onskanpi ye. Ecin mis decen mitawacin kin heon etanhan token owakihi toninni anpetu wahdušna kta cin wacin sni ye.

Hekta wacipi en owape onkan tohan wacipi kta keyapi nawañon eca koyana ekta wai wacin qa iyekipiya cantewašteya wawaci, qa wadowan kta inawahni ecee. onkan dehan hena ibdukan qa awacanmi, on hece to sni kepee ye. Maka akan tohan yan wani kta cin sdonwakiye sni estanhan decen waskan epce qa ni waon kin econhan taku iyo-makipi kin hena ecamon manka esta ehan-qon hena hecetu sni tka, decen awacanmi. Ito dena abduštan qa taku on wani kta keyapi kin he en mindoya ke epce ye. Hecen taku e on wani kta he? Mitakuyepi, Wakantanka heceena on wani kta he nicante ocowasin on wicawada qa heon etanhan tawacin ope wacanmi ye. Mitakuye, eya dehan nabanhi tipu wakan onkiciyuštanpi sni ye. Tuka tokata onkiciyuštanpi kta hecinhan nina ibduškin ye.

St. Mary okodakiciye en wowapi

kaga wanji onyuhapi qa hecen Eyanpaha en iapi yeya kta wacin qes econpi sni heon miye dehan Eyanpaha kin wowapi waqu wacin ye.

St. Mary okodakiciye oitancanpi kin dena eepi: Mrs. Susie St. John itancan. Josephine Itewanyakapi-win, mazaska awanyaka. Julia La Frombois, wokagege awanyaka. Josephine Lafrombois, wowapi kaga. Jennie Thompson odowan itancan. Julia Tunkaakasotewin, wayazanka awanaka. Louisa Kinajinwin, wamaya. Louisa Matoskawin, tiyopa awanyaka. Harriet Williams, wiyokibe aya. Winyan kin dena St. Mary okodakiciye en omaka wanji oitancan onpi kta wicayustanpi.

Hehana epe kta ye. St. Joseph qa St. Mary okodakiciye yaonpi hecinhan owasin micante on nape ciyuzapi ye. Bible History yawa he on kin miye.

MRS. J. T. DEMARRIAS.

VEBLEN S. DAK. Oct. 2, 1900.

Dear Eyanpaha;—

Mitakoda, eya dehanu kin taku wanjigji miyecidatanin kta wacin ye do. Sisseton en St. Joseph okodakiciye onyakonpi kin he dehan nakaha omniye onyuhapi qa hecen nakaha taku wanji naonhonpi, onkan he nina icante waštepi. Sisseton City en Sinasapa wanji on qon he e ca onqupi hecen naonhonpi onkan heon etanhan nina piondapi, qa hecen heon etanhan St. Joseph okodakiciye wanji yuhapi qa hecen St. Joseph okodakiciye kin piya iwanhdakapi qa oitancan onpi kta cin hena omaka wanji hehanyan token okihihi kin hecen piya wasag-

ya najinpi kta iwohdakapi. Qa on wocekiye eyapi hecen kodaonniyanpi tonakiya yaonpi hecinhan owasin wocekiye on onyksuyapi kta iceon-niciyapi.

Sept. 30. en Sinasapa kin den hi qa tipu wakan onna wocekiye econ qa hecen nina tanyan wahokononkiyapi. Wacekiya ayuštanpi hehan taku wanjigji kici iwohdakapi. Tipu wakan kin he tokaya apionyanpi kte cin he iwanyakapi, qa wanagi makoce kin he nakun, qa hecen Oct. 11, hehantu kinhan St. Joseph okodakiciye etanhan canbdaska huwe-onyanpi kte qa hecen eya token onkokihihi en glaotaninpi oncinpi.

Omaka ota Sinasapa cona teliya iyotaniyeonkiyapi, hececa esta wacinbošake sni dehanyan onhihi.

Ho mitakodapi, dehantu kin St. Joseph okodakiciye en opapi kin 18.

J. Moses St. John, itancan.

Henry Plum, okine. Austin Frimier mazaska awanyaka. John M. Star, wiyokine aya. Claud La Frombois, odowan itancan. Mashal Paul, qa Atoine Hankeduta, wayazanka awanyaka. Laurence La Frombois, tiyopa awanyaka. J. J. Thompson qa John Plum, wicahapi awanyakapi.

Ho dena koška waštepi qa wacin ye pica, owotanna ihduha wacinpi, qa oiyé nawicahonpi kta heca iyukeanpi, hecen omaka wanji hehanyan wicohan wicauapi.

St. Joseph qa St. Mary Okodakiciye tonakiya yaonpi hecinhan owasin micante on nape ciyuzapi.

N. W. DEMARRIAS

Wowapi kaga.

Fort Totten, Oct. 28, Philip mi-niakaštanpi, wi zaptan, Claud Irish qa Mary Rose Wing cincapi.

SINASAPA WOCEKIYE TAEYANPAHA.

REV. JEROME HUNT, O. S. B.

PUBLISHER and PROPRIETOR.
FORT TOTTEN. -- NORTH DAKOTA.PUBLISHED -- MONTHLY.
ONE DOLLAR PER YEAR.Entered at the Postoffice at Fort Totten N. Dak.
as second class matter.With the Approbation and
Blessing of Rt. Rev. John Shanley,
D. D. Bishop of Fargo, N. Dakota.

NOVEMBER, 10, 1900.

STANDING ROCK AGENCY,
N. DAK. NOV. 2, 1900.St. Joseph okodakiciye apiyapi
qa dena itancanpi.

David Akicitanaji, itancan. William Halsey, iyokihe. Thomas F. White Bear, wowapi kaga. Baptist Perrei, mazaska awanyaka. Apsinaitaka, wowapi wakan yawa. Chas. Halsey, wiyokihe aya. Frank Gates, iapi awanyaka. Oyewanbdi, tiyopa awanyaka. John Heyugaga, Chas. Otaahdi, windihdapi. Šakehute, Joseph Jila, qa Šana, wazazan awanyakapi. Sanioyuxsa qa Tacankuwašte, wicahapi awanyakapi. Dena wi ake nom ake itancanpi heon ito nahonpo.

Mitakodapi, Eyanpaha kin tanyan yawa po, qa ptaya najin po! He kta July qonhan heon keyapi do: Tokata July 1901, kinhan wicoħan waonyuŝtanpi kta onkeyape do. Witani ŝni keŝ awiyukean po!

Ito henana epin kta. Nitakodapi wanji miye ye do.

Thos. T. MATOSKA.

CORN CREEK,
PINE RIDGE, S. D.

Oct. 14, he ehan Frank Solvey ti el omniciye econpi qa oitancan dena wicayuŝtanpi.

Susie Velson, unciyapi. Mary Solvey, iyokihe. Julia White Crow wowapi kaga. Sophia Richard, mazaska awanyaka. Annie Red Willow, iyapi awanyaka. Mary C. Bear, wicokuje awanyaka. Vellie Mousseau, wapaha yuha. Lizzie Solvey, tiyopa awanyaka. Jenny Spotted horse, oklikle itancan. Julia S. Soldier, iyokihe. Lizzie Brown, oklikle.

Dena zaptan omniciye el igloyapi cinpi.

Sussie White Crow, Mollie Solvey, Mary Mead, Bessie Icuwila, Mary She Crows.

ST. Michel's Mission,
FT. TOTTEN, N. DAK.
Nov. 13, 1900.

Mitakuyepi;—

Eya miŝ iapi conana on wowapi cicagapi kta wacin ye do. Taku wanji epe kta wacin heon de wakage do. Eya hecen koŝka qa wikoŝke hena woonspe tipi en icahionyanpi qa taku keŝta owasin tanyan hecin onspeonkiyapi qa hena ohna onkiyepi tokatakiya ohna opionkiyapi kta, onkan dehan hena onkiyepi heca iyotan takuna sdonye ŝni kin he iyececapi. Eya taku on heoncecapi de e ye do. Haħanna qa hitayetu hena wocekiye onkeyapi ŝni, heon onŝiya hitaonnipi eŝta nape wanicapi kin iyececapi qa takuna onspepiŝni kin iyeoncecapi. Ho eya hena onkiye tokatakiya dena ohna iyoptapi kta iyeoncecapi kin hena onkiyepi heca taku woinagaga kin eceena ode onkomanipi. tuka taku wanji iyotan den iyounkpi ŝni tka hecen noge onwanicapi kin he iyeoncecapi; eya ecin he taku ŝica heca nakaas owas en itoheya iyoptapi ye do. Waŝicu wacipi kin he wake ye do. Tuwe hena econniyapi kin sdoniyakiyapi ye do; hecen koda hitayetu qa haħanna kin hena owas wocekiye kiksuya po. Hecece kinhan Wakantanka oniciyapi kinhan ake wicoħan ŝica wanjina niyepi niyahdepi kte ŝni ye do; tuka wocekiye hena ayektonjapi kinhan wakanŝica iye token cin kin he ohna nicuwapi kinhan tokata iyotan iyeyakiyapi kte do. Eya maka akan woinagaga he taku ŝni ye do; kodapi oiyoiki oya-depi hecinhan Wakantanka hitakini-pi kin heconkapipi ŝni po; hecen tokata maħpiya heciya owinanke watin wowiyuŝkin duhapi kte do. Kodapi, eya taku ŝica econkonpi kin he onkayuŝtanpi kte onkeyapi eŝta, oncantepi on Wakantanka ceonkiyapi ŝni kinhan onkokihipi ŝni. Ecin wicacante kin en wakanŝica on kte cin waŝake do; heon etanhan iyopeniciyapi kin cante on econ po, qa woniya wakan he nina ondapi kta iyecece. Ecin he onyuwaŝtepi kte cin he e ye do.

Ho mitakuyepi, St. Joseph qa St. Mary okodakiciyepi en eya wicoħan nitawapi nina waŝte heca qa nakun nina teħike; heon etanhan token nina ihayaktapi kta qa onspeniciyapi kta iyecece, nakun Itancan kin en

pidaya qa anagoptan nihdutaninpi kta, he iye woyuonihan tehan wankantu kin en enihnakapi kte heon qa nakun iyecen niŝ ŝicaya ecanonpi kte ŝni; nakun token kin ŝicaya econwicayakiyapi kte ŝni e waktaya yaonpi kta iyecece; takomni niyepi heca hecen econ wacannipi kta oyakihipi ŝni. wicotawacin qa wookihi kin hena Wakantanka iŝnana etanhan wicacu ece; heon etanhan Woniya Wakan inicakijapi kinhan awecakehan Wakantanka icayakiyapi kta iyecece. Nitakuyepi ni wicayakiyapi kte heon he wicoħan tanka, eca heon en iyotan iyeyakiyapi eŝta tokeŝia niyepi tokata pidaniciyapi kte do. Ho eya tuwe Wakantanka wicada kin he tawoope owas sutaya ien kta iyecece. hena iye tokaheya yuha niyepi token ninagipi iyakiyapi kte cin he ohna tohanyan Wakantanka tawowicada iyacupi kinhan behanyan taku maka akan wawiyutanyan qa taku wowacin ŝikŝice kin hena ni nagipi en ikoniciyapi waŝte ye do. Ho eya koŝka qa wikoŝke yampi kin en taku wanji epe kta wacin ye do. Eya onkihunkakepi anawicongoptanpi iyecece ye do; he iyecen priest wicunyahapi kin anawicongoptanpi kte do; he taku iwaŝte onyanpi kte owas ohna wahokononkiyapi ye do.

St. Joseph qa St. Mary okodakiciyepi kin he tuwe tiyohakata tawa kin tanyan hduhe okiki ŝni kinhan ecin token Wakantanka taokodakiciye kin tanyan yuhe kta he? Ho eya mitakuyepi, henana epe kte do. Tona de wandakapi kin owas wocekiye on onyeksuyapi kta wacin ye do.

Nitakodapi wanji
MICHAEL IRON FEATHER.

WICASTA WAN WINYAN WAN
WANU KTE.

Wihni wicaŝta wan, zitkana ni kecin kute, qa o unkan Arthur W. Green he e kte.

Green, wikoŝke wan, Miss Mockridge eciyapi kici omani i. unkan zitkana kin winyan wapaha tawa kin akan kihmaka, Green wapaha kin he un.

Green qa Miss Mockridge kici anpetu wakan haħanna otonwe wan Golden eciyapi ekta yapi. On itewicacupi wan yuhapi qa tahepi ite ekiciyakupi ayuŝtanpi kin hehan Green nina iyokipi qa Miss Mockridge tawapaha kin on qa ite eciyaku ŝi. Wikoŝke kin Green ite icu kta ŝkan ecahankeya mazakau utapi qa Green ktepi, pa kin cokaya iyeyapi. C. W. Johnston maŝtinecana ode i, he econ.

Wikoŝke tasak ta iyaye qa Green wanke cin akan ihpayaya. Wikoŝke kin he token icupi kta cinpi, tuka wicada ŝni, tancan te kin token icupi ŝni behanyan.

ALLEN, S. DAK. OCT. 30. 1900
Eyanpaha;—

Koda, nahali ci ni waon welo. St. Joseph mitakodapi. tokeŝke yaonpi kinhan onacihonpi ŝni waon na on etanhan le anpetu kin ciksuayapi ca nayakihonpi kte lo: na le iyececi niŝ tona le lawapi kinhan, Eyanpaha nitawapi qon yeksuyapi wacin ye do. Tokeŝke yaonpi, tokeŝke omniciye yakloupi; tokeŝkel omniciye piyakiyapi na tuwe omaka opta Wakantanka hitakicinipi kta hecinhan, hena onawahon kta wacin ye lo. Hecel onaonkicihonpi kinhan wobliheca wanji uncantepi kin el onhiyupi kte. Corn Creek el omniciye wan onqonpi kinhan onconalapila eŝa Wakantanka sutaya yus naonjinpi na ohinniyan iyuŝkinyan wocekiye econqonpi na lila cantemawaŝte.

Oyasin nape au po!

Nitakolapi

JOSEPH CANŝAŝA.

CROW CREEK AGENCY S. D.
Nov- 4, 1900.

Rev, Jerome Hunt O, S, B,
Eyanpaha mitakoda;—

De anpetu kin cantewaŝteya taku wanjigji miyeci-duotanin kta wacin ye do, De hanhepi kin en St. Joseph qa St. Mary okodakiciye mniciyapi qa taku wanjigji yuŝtanpi,

Tipi wakan timahen ahde wacekiyapi opetonpi kte cin he wawokiyapi kta yuŝtanpi, St. Joseph oko: dakiciye mazaska \$12.00 qa St. Mary okodakiciye kin iŝa \$20.00, hecen yuwitaya denakeca on okiyapi \$32. Qa hehan Eyanpaha he Mato Wapana en omniciye tanka qon he token yuŝtanpi qa he oknayan onkicazopi hecen he onkajnjupi qa dehan tuwa cin kinhan iye tamazaska on opeton kta eya yuŝtanpi, qa mazaska kin hena wicaŝa wakan onkitawapi kin he Eyanpaha kien kta equpe do.

Hehan de anpetu wakan kin wicota wacekiye aħi qa wicaŝa winyan koya 29 okdakapi econpi qa Yutapi Wakan icupi.

Oct. 11, heehan George Track qa Edith Walks Fast wakankiciyuzapi.

Oct. 28, Augustine miniakaŝtanpi, Maggie Crow cinca.

Nov. 4, Charles Horn Dog minia-kaſtanpi. Oct. 4, heehan tonpi. Felix Horn Dog qa Candutawin cin-capi. Dena Rev. Ambrose, O. S. B. wicakiyuſtan.

Tipi wakan waſte onyuhapi kta, wanna yuſtanpi kta ikiyena qa owasin canteonwaſtepe do, qa onkiyuſkinpe do.

Sept. 22, omniciye apikiyapi oitan-can kin obdakin kta tka inawahini, heon St. Joseph okodokiciye qa St. Mary O. itancan henaſnana obdakin kte do. John Blake akta yuſtanpi, qa winyan iſ Wankiciyapapi itancan yuſtanpi.

Ho cantewaſteya nape ciyuzape do.
THOMAS WHITE
Wowapi kaga.

FORT TOTTEN, N. DAK.

NOV. 14, 1900.

Eyanpaha kin;—

Dehan ito wanji miyeciyaotaninpi wacin. Oct. 28, 1900 wicaſta wakan onkitawapi kin taku wanji yaotanin qa wicaſta owasin cante kin en iyohipayapi naceca. Nakaha taku wokitanyan yuhapi kin tipi wakan on elipeyapi, qa hecen cantewaſteya onkiyapi. St. Michael's tipi wakan kin apikiyapi kta iyececa caje yatapi, qa heon St. Joseph okodakiciye tawomnaye kin \$6.84 St. Mary okodakiciye 3.00

Qa kiçunpi kin

Mrs. Grant	1.00
Tunkaſaiçiwini	1.00
Oyewaſtewin	.35
Peter Blueshield	1.00
James Young	1.00
Wasuicasuamani	.50
Matowanjina	.50
Heoncagewanjina	.25
Oehdeſka	.25
Jack Pejihutaskana	1.00
Tunkawanyagmani	.25
Simon Court	.25
Eyanpahamani	1.00
Peter Makato,	.50
Mazakanomni	.50
Tunkawakana	2.00
John Wiyaka	.25
Danie! Paul	.25
John Tatankapa	1.00
Zitkanakoyake	.50
Joseph Mead	1.00

\$24.19

Muakiyapi qa dehan wokamna tehiſke qa tokiyatanhan ohankoya mazaska icupica ſni ſeca, eſta iye woawacin yuhapi kin eciyatanhan hduataninpi e waonyakapi. Okodakiciye iyotan cistinpina eſta token tohan econpi kta unma takn okihipi kin he isanpa econ wacinpi ecee.

Ho mitakypepi, tona Eyanpaha wandakapi owasin iyuſkin-yan nape ciyuzapi.

JOSEPH MEAD.

FORT TOTTEN, ST. MICHAEL'S CHURCH.

Two weeks ago we announced that, the roof of St. Michael's church needed repairing, as it is leaking and the shingles in a very bad condition. The people were called upon to help a little and give what they could spare. We have already received \$20.90. Though the Indians at Fort Totten receive nothing from the Government, they are always ready to give from their own scant earnings to help the church. We find the poorest the most willing and God will certainly bless their generosity.

CROW HILL. ST. JEROME'S CHURCH.

During the month of September, the Catholic Indians at Crow Hill had a new fence erected around their cemetery at a cost of \$70.00.—This cemetery is beautifully located on a hill, a short distance from the church, with a view of the Lake in front, and a glimpse, in clear weather, as far as the Turtle Mountains.

EYANPAHA.

Since the last issue we received the following money for subscriptions.

Oct. 25, From Mrs. Van Solen	\$2.00
Nov. 3, Cheyenne River society.	
(Father Fintan)	2.00
Nov. 3, Cherry Creek society	
(Father Fintan)	5.00
Nov. 6, Jim Richard	
Allen P. O. S. Dak.	1.00
Nov. 6, Joseph Mousseau,	
Allen P. O. S. Dak.	1.00
Nov. 8, Crow Creek St. Mary's society, (Father Ambrose) ..	6.00
Nov. 8, Crow Creek, St. Joseph's society, (Fath. Ambrose) ..	6.00
Nov. 8, Thos White,	
Crow Creek	75

SISSETON.

From Sisseton we have not as yet received one cent for the Eyanpaha, and we have sent there 15 copies of

the Paper every month; they are in a position to pay up, as they are the favored ones, who always receive Government money.

PRAYER-BOOKS.

Nov. 8, For Prayer-books we received from Father Ambrose, O. S. B. Crow Creek, S. Dak. \$3.25

Hekta Nov. 6, Tunkanſinayanpi kaſnigapi, unkan William McKinley ne akta kaſnigapi, qa Theodore Roosevelt iyokihe ee.

Tunkanſinayanpi wicaſta owasin ohodapi qa anagoptanpi kta iyececa. St. Paul decen heya: "Roma XIII, 1, Wicanagi otoiyoſi wicowaſake itancan kin heua ihkun iyeiçiye kte. Wicowaſake Wakantanka etanhan un kin hecedan yukan. Wicowaſake un kin hena Wakantanka kaga. Heon etanhan tuwe wicowaſake kin kipajin kinhan he Wakantanka toope kipajin, qa tona wawakipajin hena wicayacopi kta.

WAKANWOHDAKAPI ECIYATANHAN.

(ALBAN STOLZ.)

Jerusalem ekta mini wan wanka, qa he tohan iyeſhanu eca Wakantanka taohiſhe wan kin hi qa mini kin he yuſkanſkan ecee; qa hecece kin he econhan tuwe tokaheya oiyoſipeiçiye eca woyazan owasin akisni ecee.

Tancan niyazan kin he iyecen nagi kin ija niyazan kinhan, qa woahitani nitawa kin nagiyeſiye qa ksuweniye kinhan, taku on oniwaſte kta oyade kinhan—Bde wan on anisni kta e sdonwaya. mini ſni, tuka Jesus Waniſiya we kin hee, onniſhe e mahpiya eciyatanhan hi ſni, tuka Jesus iyeſica hen yanke qa aſniſiye kta cin, qa we tawa on niyujaja kta cin. qa ninagi kin woiyoſipeiçiye on, Wakantanka kokipapi kin on, qa wowaſtedaka kin on cantesoſopiſece kinhan, ninagipi kin etanhan woahitani owasin yujajapi, qa nakun woahitani nitawa kin we iyecen ſa eſia, ninagi kin wa iyecen ſka kta.

Jesus Wanikiya we tawa kin on ſka kta, heconqonpi ſni kinhan hena on wakanſica ti kin en owihanke wa nin onkakijapi kta. Jesus te qehan wicaſta nom itanonk otkepi, unkan onman woahitani akiektonjapi kta da, qa woahitani on iyoſipeiçiye heon mahpiyata i, onman nagi ekta ewakecin ſni, tuka tancan eceena nikiye wacin kin he wakanſica ti ekta i.

Wowapi wakan en winyan wan nina ſica, qa he ayuſtan kta cin, woahitani ota econ kin hena owasin on canteſica; qa nagi on nagiyeiçiye qa hecin: Jesus waſte qa wowaonſida qa token okihi oyate kin owasin owicakiya, qa wahtanipisa kin ob woldaka ecee, qa heya: "Wahtanisa wanjina woahitani ayuſtan kinhan mahpiya ekta wowiyuſkin tanka kta." Decen winyan kin awacin qa on iwaditagya, qa oyate kin takeyapi kte çeyāſ toka kiye ſni, qa Jesus wicaſta wijica ti en hi qa wota yukanpi kin econhan tin iyaya, Jesus iſiha kin en kun elipeiçiye, qa ſiha kin iputaka, qa woahitani akiceye qa akiektonjapi kta da. Jesus ayuta qa heya: "Wokiye en ya wo, woahitani owasin nicipajujupi." Hecen cantewaſteya kinbda qa iyuſkinyan on qa iyuſkin-yan ſa.

Woahitani owasin kicipajujupi keyapi kin heon nina iyuſkin. Unkini iſ hecanmi, haw, Jesus i kin etanhan woahitani nicipajujupi eya nawahon kinhan, miſa ibduſkin kta qa micante en wookiye bduhe kta. Wakantanka maka akan on qehan wani a omaka 1900 wicaſta owasin wahtanipisa ko waſtewicadaka dehanuſi iyecen waſtewicadaka sdonwaye ſni he? He Wakantanka tacincana tawa, maka etanhan woahitani icu kin ee. Israel oyate kin eceena niwicaye kta on makata hi ſni, tuka oyate owasin maka oihanke kte cin hehanyan oyate kin niwicaye kta cin.

Jesus wocekiye wan kaga qa hen wahtanisa tona woahitani on canteſid- içiye qa owotanna on wacinpi kin woahitani wicakiekpajujupi, Jesus iyeſica wicitokab najin heya: "Cantewaſte wo, woahitani owasin nicipajujupi."

Ito wicaſta wan wicohan wan nina ſica econ, wicaſta wan ti wicakte naceca, kinhan ohinuſi iyoyake kte, qa oziciye, qa wookiye iyeye okihi ſni, hececa wan içiçu qa ihdaſke kta içiçu yukan. Iſ ſiyaka wicac ca tohanyan napope ſni kin hehanyan nina wicayazan, qa tohan napopa eca wicayazan ſni, qa owicakizi ecee. Cinca wayutakuni ſni qon taku ſica econ qon owasin atkuſu okiyaka: Zachaeus wamanon keya taninyan ohdaka. Mary Magdalenti ojuna en woahitani ohdake kte kta iſece ſni; qa wamanon wan Jesus erapatanhan otke qon woahitani ota econ kin on etanhan hecakiconpica iyecece keya. St. Paul tawowapi kin en Jesus Christ en wahtani tanka keya; qa nakun Judas Iscariot woſna kagapi en wicai qa wicawe wiyaonpica ſni wiyopeya keya.

Wakantanka wicašta tokaheya Adam woahitani ohdag kiya: "Can tehinda kin etanhan yata he?" Nakin Kain wondag kiya. "Tukte nisonka ee he?" Wakantanka wicašta wokcan Nathan, David ekta yesi qa woahitani ohdag kiya. Wahtanisa owasin woahitani ohdakapi kta Wakantanka cin, nagiyeiciye wicayaya qa woahitani ohdakapi kinhan wokicanpte iyeyapi kta.

Wahtanisa wan woahitani on cante šiničiye qa ohdake kinhan awicakehan Wakantanka akiciktonja hecinhan sdonya cin, qa sdonya eca iyitškin qa cante wašte.

Wicašta ta iyohakam woahitani kicipajujupi kinhan sdonye kta, tuka dehan, ni on econhan sdonye kta cin.

Jesus Iye tancan kin ohinni onkicupi kta cin, tuka cante skaya woahitani cona unkicupi kta cin; woahitani wan yuba unkicupi kinhan Jesus tancan qa we kin on onyacopi kta. Anpetu owasin waonhitanipi, hecen token Wakantanka woahitani onkici pajujiupi kin sdononyanpi kta hwo? Jesus heon iwanyaka. St. John tawowapi wašte wicowoyake 20 Jesus mahpiya ekta hde šni itokam Jesus awicaniya qa heya: "Woniya Wakan kin icu po! Ate umaši kin he iyecen miš yecišipi; tuwe woahitani ayeciktonjapi kinhan, he akiktonjapi kta, qa tuwe ayecinicapi kinhan he akinicapi kta. Taokiye kin woahitani pajnupi kta wowaške wicaqu, Iye econ qon iyecceca. Taokiye wowaške wicaqu qon he hduha tapi šni. Tohan Šinasapa wicayuwakanpi eca de wowaške kin wicacupi ecee, tuktetu keceyaš maka owihanke šni kin behanyan. Ate umaši kin he iyecen yecišipi, woahitani wicawecicajuju kin iyecen ecanonpi kta. Qa tohan wahtanisa wan cante šiničiye kinhan woahitani kicipajujupi, hecen Yutapi Wakan icu okihi, ecin nagi kin en woahitani on šape šni; hecen nakun kokipe šni te qa wayaco itokaminajin kte cin kokipe kte šni, ecin hena Iye hecen iwahonnyanpi, hecen takuna kokipe kte šni. Tuwe woahitani ohdake cin ohakam Wakantanka cante wašteya qa iyuškinyan ecee, owasin kicipajujupi kin sdonkiya heon hececa.

Woahitani on cante onšicapi kinhan qa ũkohdakapi kinhan Ateyapi caje kin on woahitani onkicipajujupi. Jesus wiyacinpi onkokiyakapi qon, cinca wayutakuni šni wan atkuku ekta hdi qehan wowiyuškin kaga, heyake wašte unkiyapi, ikiyena tipi kin wicakico qa ob iyuškin, cinca tokahan qon iyeyapi he iyecen wahtanisa wanjinu woahitani ayušan

kinhan, he tokahan tuka iyeyapi heon Ateyapi mahpiya ekta yanke cin iyuškin kta.

Cinhintku caje kin on woahitani nicicajujupi kta. Woahitani ota ecanon ešta nicicajujupi kta, on cante nišice ehantanhanš. De owapi e wandaka. We on owapi qa susbeca wakan kin on yutanpi. Wanikiya cehpi kin akan owapi, cehpi ynñdehdecapi qa kasaksakapi kin on, qa otkeyapi, oyate wahtanipi kin owasin on kakije kin wanonyakapi kta on; cansusbeca akan wankantuya otke. Owapi kin akan taku zaptan on tatakapi, šaša on natakapi kin he za ptankiya taopi kin hena ee. Heon etanhan Jeremias, wicašta wokcan kin heya; "Wowapi wan wakan otkeyapi kta, taku zaptan on natakapi, He Wakantanka Tacinca na tawa, maka etanhan woahitani icu kte cin ee.

Woniya Wakan caje kin on woahitani nicipajujupi kta. Tohan wicatančan kin ta eca wicašta kin takuna wanyake šni, siha kin mani šni. isto kin yuškanšan šni, ceji kin on ie okini šni, qa ecan wicatančan kin šicamna kta, wicahapi ecee, wabduha kin apawipi ecee.

Wicanagi nakun te kta okini, wicašta wan woahitani tankinkinyan econ kinhan, nagi kin he ta; nagi kin he Wakantanka itokam šica qa šicamna; wicašta hececa tohinni ce kiyapi šni, Wakantanka awacinpi šni, maka toahitani kin eceena on iyokipi ičiyapi ecee.

Tuka tohan Woniya Wakan caje kin on woahitani kicipajujupi kinhan, nagi kin ake niyanpi, Woniya Wakan kin hecon ecee. Tohan wicofi teca nagi kin en on eca, hehan, Wakantanka awacin kta iyokipi, wocekiye waštedaka, cante wašte ecee. cantewašteya wawiyntanye owasin kipajin, qa wowiynškin tanka qa wokiye nagi kin en iyaya ecee.

KYLE P. O. S. D. OCT. 20, 1900.

Eyanpaha
Kola wašte kin;—

Taku wanjikji epin kta wacin. Lecala September 24, hehan St. Mary O. etanhan wanji maka kin letanhan ihpeonkiyapi, winyan kin le Itancanwin eciyapi, na hknaku kin Wasumaza eciyapi. Hekta March hetanhan wayazanka, (cancer of the breast ececa) na bloketu kinhan ataya lila kakija tin kta itokab miniakaštanpi na sla-wakan icu. Rev. Father Lindebner kiciyutan. Wowapi wakan wicoyake eciyatanhan lehanl mahpiya ekta woka-

kije wanilya ohinni pilaya on kta; le el hehanyan epin kta wacin.

Hekta omaka tonakel St. Joseph na St. Mary okolakiciye kin oyasin taku wanji oncinpi na ohinniyan cajejal onqonpe lo, yunkan he lecala blokehan Crow Creek Agency el omnicieye tanka el, Rt. Rev. Bishop O'Gorman cante wašteya onahononpi, na on lecel eya: "Wanna wawokiya yukanpi kta, na on etanhan okolakiciye kin wašakya icagin kta iyecceca." Le on etanhan taku epin kta. St. Joseph na St. Mary O. tonakiya yaonpi kinhan wanna šinasapa o iyapi kta yukanpi ca, ihani tokel waškan qon iyecel ecanon kte šni; tokeša hena taku kinhan oyasin yuecetiya ayapi kta ce. Hiya, mitakuyepi, le oknayan kapi šni ye lo. Wana wawokiya yukanpi na heca yukanpi kta oncinpi, na heon wankahanpi na kitanhici

wanna Bishop naonhonpi na yukanpi kinhan on St. Joseph na St. Mary O. oyasin bliheniçiyapi kta iyenicecapi na lila iluškinpi kta, na tokel oyakihipi yaškanpi kinhan isanpa išiya wawokiya qon hena bliñecapi kta na on okolakiciye taku econpi kinhan tanyan iyopte kta St. Joseph na St. Mary O. onpi kinhan taku wanji lila oncinpi keonkeyapi sa ye lo; yunkan okolakiciye onkitawapi kin wašakin kta oncinpi; na taku tona on waonšakapi kte çun onkiyoftapi hwo? Onkištecapi kta iyecceca. St. Paul lecel eya: Taku ecanonpi kinhan wicaša iyecel econpo, taku ecanonpi kinhan hokšcala iyecel econpi šni po! Lena wicoiye kin weksuya canna hokšcala iyeoncecapi se taku econkonpe lo. Wana wi nonpa behanyan Eyanpaha el St. Joseph tokel škanpi hecinhan nawañon kta cante owakpani iwacu ca ia blawa keš tuweni el takuni eyapi wanblaka šni ececa ye lo, na le on etanhan miš hecanmi. St. Joseph na St. Mary O. oyasin tokiya iyayapi hwo? Tokaš oyasin cagu šica wiconje oyuspapi sece, na iš tokeške hanpi hwo? Lecel onškanpi kinhan rohinni mahpiya ekta woozkiye ohionkiçiyapi kte šni ye lo. Mitakuyepi, wicaša wanji makoe tuktel el on kinhan hel woope kagapi rawicakicijin cana he e kaš oyate kinhan yonihnanpi na ohinniyan onahonpi kte hecin ececa, na onkiš tona Šinasapa okolakiciye el oonpapi qon hena Wakantanka taoyate na unwaštepi kta onkiçiconzapi, na heon taku tona tipi wakan etanhan econqonpi kta iyecceca. Yuke ehantanhanš lila iyuškinyan econqonpi yunkanš he iyotan wašte kin heca tka ye lo. Iwanonyakapi kinhan Lakota oyate šina-

sapa opapi kinhan opawinge wikcemna šikpe sam onkiyayapi, na hena oyasin taku econqonpi kinhan ptayela naonjindi ebantanhanš lila waonšakapi kta tka ye lo. Ho mitakuyepi, ito lèhantu tokatakiya bliheonkiçiyapi, na omnicieye onkitawapi qon ahonkipari kte lo. Na Eyanpaha kin mazašala eša mnaonkiyapi kte lo. St. Joseph O. wicaša tona okitanin yaonpi qon oyasin pa yuwankal icupo, na nitomnicieyepi kinhan wicakluñica po, na Eyanpaha ekta etonwe wicaši po, oyasin tawacin on ptayela waceonkiyapi kte lo. Hecel econqonpi kinhan Wakantanka towaonšila kin wookini onqupi kinhan waonšakapi, na wapiya zaniyan tokata bloketu congress el ake iyuškinyan wanonkiçiyakapi kte. Oyasin iyuškinyan nape ciyuzapi. L. P. MOUSSEAU.

Kangipaha etanhan Nov. 4, 1900 St. Michael's Church pikiyapi kta okiyapi.

Joseph Tawacinhinni,	\$1.00
Iawašewin,	1.00
George Heñakahowašte,	1.00
Leodegard	.50
Mary Jane	.50
Nancy Straight	.50
John Twoheart	.25
Felix Little	.10
Louis Langer	.25
Mary Hapan	.25
Jerome McKay	.10
Mary L. McKay	.25

Cheyenne River Agency, S. Dak.
Oct. 26, 1900.

Dear Eyanpaha;—

Wokakiye bluha, tka tokel okihihi omakiyapi na on cante mawašte, na on wowacin wanjikji iwacu, na heon miš maka akanl tokel owakini hantans okna hitawani kta wacin. Wawokiya wicohan kin wašte na wicaša cante iwašteyapi na wašakya. Wayazan wanyang ipi kin he wicacante yutanka na wawihahaya, heon tona wayazan awanyakapi bliñecapi hantanš he wašte, na wacinwicaye pi-ca, na Šnaska etan omakiyapi, na Tanšnaunwakpa St. Mary etan \$2.00 omakiyapi. Eya lena Wakantanka on etan econpi. Wicoiye wanji weksuye Jesus kakel eya: Wakanheja kinel maupi kte cin iyowinwicakiya po, mahpiya wokiconze kin etanhanpi ce. Hecel wakanheja wanji ta eca wana mahpiyata kla ce, wokakiye ayušan wowiyuškin gluba kta, heon cante mawašte. Lena on wacintanka miciye, le wicincala kin waniyetu wanji Edith eciyapi, Oct. 17, hehanl te. Jesus wakanheja wan kico na wicacokaya ekle na heya; Awecakehan heciyapi, nigluhukuyapi na wakanheja le iyenicecapi šni kinhan, mahpiya wokiconze kin el lapi kte šni. Tona onkiçincapi tapi kin wicoiye kin lena awacinpi iyecceca; incin hena wana Wakantanka ti el onpi; heon onkiš Wakantanka ti el onyanpi kta oncinpi iyecceca. Onkiçluhukuyapi kta wanaaongoptanpi kta wocekiye okna igluha kte hecin oskinonkiçiyapi kta kinhan, wakanheja iyeoncecapi kta na mahpiya wokiconze el onyanpi kta ce. Wiyeya, wakta heoncap kta. Owasin nape ciyuzapi. PAUL MEDICINE BODY.